



**RJEŠENJE**

**po zajedničkoj Prijavi koncentracije privrednog subjekta privrednog subjekta „VITINKA“ a.d.  
Kozluk, i privrednog subjekta „BANJALUČKA PIVARA“ a.d. Banja Luka**

**Sarajevo  
maj, 2015. godine**



Broj: 06-26-1-03-7-II/15  
Sarajevo, 09.06.2015. godine

Na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po zajedničkoj Prijavi koncentracije privrednog subjekta „VITINKA“ a.d. Kozluk, Drinska dva broj 30, 75 413 Kozluk i privrednog subjekta „BANJALUČKA PIVARA“ a.d. Banja Luka, Ulica slatinska broj 8, 78 000 Banja Luka, zaprimljenoj dana 23.01.2015. godine pod brojem: 06-26-1-03-II/15 od 16.01.2015. godine, Konkurencijsko vijeće Bosne i Hercegovine, na 105. (stopetoj) sjednici održanoj dana 09.06.2015. godine, donijelo je

### **R J E Š E N J E**

1. Ocjenjuje se dopuštenom koncentracija koja će nastati na tržištu upravljanja ambalažnim otpadom u Bosni i Hercegovini osnivanjem privrednog subjekta za upravljanje ambalažnim otpadom, zajedničkim ulaganjem privrednog subjekta „VITINKA“ a.d. Kozluk, Drinska dva broj 30, 75 413 Kozluk i privrednog subjekta „BANJALUČKA PIVARA“ a.d. Banja Luka, Ulica slatinska broj 8, 78 000.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko distrikta Bosne i Hercegovine.

### **Obrazloženje**

Konkurencijsko vijeće je dana 23.01.2015. godine zaprimilo pod brojem: 06-26-1-03-II/15 od 16.01.2015. godine zajedničku Prijavu koncentracije (dalje u tekstu: Prijava) privrednog subjekta „VITINKA“ a.d. Kozluk, Drinska dva broj 30, 75 413 Kozluk (u daljem tekstu: VITINKA) i privrednog subjekta „BANJALUČKA PIVARA“ a.d. Banja Luka, Ulica slatinska broj 8, 78 000 Banja Luka (u daljem tekstu: BANJALUČKA PIVARA) (dalje u tekstu: Podnosioci prijave), koja se odnosi na zajedničko ulaganje na dugoročnoj osnovi, dva ili više nezavisnih privrednih subjekata odnosno osnivanje novog privrednog subjekta.

Podnosioci prijave su predmetnu Prijavu dopunili podneskom broj: 06-26-1-03-1-II/15 od 19.02.2015. zaprimljenim dana 25.02.2015. godine i podneskom broj: 06-26-1-02-1-II/15 od 14.04.2015. godine zaprimljenim 20.04.2015. godine.

Po prijemu dokumentacije Konkurencijsko vijeće je utvrdilo da je Prijava kompletna i izdalo Potvrdu o prijemu kompletne i uredne Prijave, u skladu sa članom 30. stav (3) Zakona o konkurenciji (dalje u tekstu: Zakon), dana 28.05.2015. godine, pod brojem: 06-26-1-03-5-II/15.

Podnosioci prijave nisu podnijeli zahtjev za ocjenu koncentracije nekom drugom tijelu za konkurenciju izvan Bosne i Hercegovine, u smislu člana 30. stav (2) Zakona.

Konkurencijsko vijeće je, u skladu sa članom 16. stav (4) Zakona, izdalo Obavještenje o dostavljenoj Prijavi broj: 06-26-1-03-3-II/15 od dana 25.05.2015. godine, koje je u dnevnoj štampi objavljeno dana 26.05.2015. godine, i pozvalo sve zainteresovane strane na dostavljanje pisanih komentara o namjeravanoj koncentraciji. Na predmetno obavještenje nisu dostavljeni komentari zainteresovanih strana.

Prijava je podnesena u propisanom roku u smislu člana 16. stav (2) Zakona (pravni osnov je Pismo namjere), te uvidom u dostavljenu dokumentaciju utvrđeno je, da je uplaćena administrativna taksa.

## **1. Učesnici koncentracije**

Učesnici koncentracije su privredni subjekt „VITINKA“ a.d. Kozluk, Drinska dva broj 30, 75 413 Kozluk i privredni subjekt „BANJALUČKA PIVARA“ a.d. Banja Luka, Ulica slatinska broj 8, 78 000.

### **1.1. Privredni subjekt Fabrika mineralne vode i bezalkoholnih pića „VITINKA“ a.d. Kozluk, Drinska dva broj 30, 75 413 Kozluk – Podnosilac prijave**

Privredni subjekt Fabrika mineralne vode i bezalkoholnih pića „VITINKA“ a.d. Kozluk, Drinska dva broj 30, 75 413 Kozluk (u daljem tekstu: VITINKA) registrovan je kod Okružnog privrednog suda u Bijeljini pod matičnim brojem: 59-02-0007-14, čiji su osnivači Dioničari prema Izvještaju Centralnog registra hartija od vrijednosti a.d. Banja Luka koji trenutno imaju 1639762 akcija sa upisanim osnivačkim kapitalom od 1.639.762, 00 KM.

Pretežne registrovane djelatnosti privrednog subjekta VITINKA su proizvodnja osvježavajućih pića, mineralne vode i drugih flaširanih pića.

(..)\*\*<sup>1</sup> .....

Ostali članovi uprave društva VITINKA ne obavljaju funkcije u nekom od privrednih društava registrovanih u Bosni i Hercegovini, niti vrše bilo kakvu istovremenu rukovodeću funkciju direktora, odnosno člana upravnog ili nadzornog odbora u bilo kojem privrednom društvu registrovanom u Bosni i Hercegovini.

#### **1.1.1. Privredni subjekt „VITINKA – EKSPLOTACIJA“ d.o.o. Kozluk, Drinska dva broj 30**

---

<sup>1</sup> (..)\*\* podaci predstavljaju poslovnu tajnu

Privredni subjekt „VITINKA – EKSPLOTACIJA“ d.o.o. Kozluk, Drinska dva broj 30 registrovan je kod Okružnog privrednog suda u Bijeljini pod matičnim brojem: 1-5900, čiji je osnivač privredni subjekt VITINKA sa 100% vlasničkog udjela sa upisanim osnivačkim kapitalom u iznosu od 2.000,00 KM.

Pretežne registrovane djelatnosti privrednog subjekta „VITINKA – EKSPLOTACIJA“ d.o.o. Kozluk su prikupljanje, prečišćavanje i snabdijevanje vodom. Navedeni privredni subjekt je od 2006. godine dobio koncesiju za eksploataciju mineralne vode i pitke mineralne vode u komercijalne svrhe.

## **1.2. Privredni subjekt „BANJALUČKA PIVARA“ a.d. Banja Luka, Ulica slatinska broj 8, 78 000 Banja Luka – Podnosilac prijave**

Privredni subjekt „BANJALUČKA PIVARA“ a.d. Banja Luka, Ulica slatinska broj 8, 78 000 Banja Luka, (u daljem tekstu: BANJALUČKA PIVARA) registrovan je u Okružnom privrednom sudu u Banja Luci pod brojem: 1-29-00, čiji su osnivači Akcionari prema Izvještaju Centralnog registra hartija od vrijednosti a.d. Banja Luka koji imaju 1524812 akcija B klase sa 6,84% učešća u osnovnom kapitalu i 20775188 akcija A klase sa 93,16% učešća u osnovnom kapitalu.

Pretežne registrovane djelatnosti privrednog subjekta BANJALUČKE PIVARE su proizvodnja i prodaja piva.

### **1.2.1. Privredni subjekt „EKOPAK“ društvo za upravljanje ambalažnim otpadom d.o.o, Zmaja od Bosne 7-7a, Objekat 03, 71 000 Sarajevo**

Privredni subjekt „EKOPAK“ društvo za upravljanje ambalažnim otpadom d.o.o, Zmaja od Bosne 7-7a, Objekat 03, 71 000 Sarajevo (u daljem tekstu: EKOPAK) registrovan je u Općinskom sudu u Sarajevu, pod brojem: 65-01-0397-11, čiji su osnivači BANJALUČKA PIVARA a.d. Banja Luka, Argeta d.o.o. Sarajevo, Bihaćka pivovara d.d. Bihać, Coca-Cola HBC B-H d.o.o. Sarajevo, ORBICO d.o.o. Sarajevo, VIOLETA d.o.o. Tomislavgrad, svi sa po 14,2857% učešća u osnovnom kapitalu.

Pretežne registrovane djelatnosti privrednog subjekta „EKOPAK“ su trgovina, upravljanje ambalažom i ambalažnim otpadom.

Privredni subjekt BANJALUČKA PIVARA, odnosno njeni članovi upravnih i nadzornih odbora osim EKOPAK-a nisu članovi upravnih i nadzornih odbora drugih privrednih subjekata.

## **2. Pravni okvir ocjene koncentracije**

Konkurencijsko vijeće je u provođenju postupka ocjene predmetne koncentracije primjenilo odredbe Zakona, Odluke o načinu podnošenja prijave i kriterijima za ocjenu koncentracije privrednih subjekata („Službeni glasnik BiH“, broj 34/10), Odluke o utvrđivanju relevantnog tržišta („Službeni glasnik BiH“, br. 18/06 i 34/10) i Odluke o definiranju kategorija dominantnog položaja („Službeni glasnik BiH“, br. 18/06 i 34/10).

Konkurencijsko vijeće je, na osnovu člana 43. stav (7) Zakona, koristilo i sudsku praksu Evropskog suda i odluke Evropske komisije, kao i kriterije i standarde iz Obavještenja Evropske Komisije o izračunavanju ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekata.

## **3. Pravni osnov koncentracije i oblik koncentracije**

Pravni osnov predmetne koncentracije je Pismo namjere za osnivanje društva za upravljanje ambalažnim otpadom na teritoriji Republike Srpske potpisano dana 16. januara 2015. godine od strane zakonskih (ovlaštenih) zastupnika privrednih subjekata VITINKA a.d. Kozluk i „BANJALUČKA PIVARA“ a.d. Banja Luka, kao zainteresovanih strana.

Nakon sprovođenja koncentracije, privredni subjekti VITINKA a.d. Kozluk i „BANJALUČKA PIVARA“ a.d. Banja Luka će posjedovati po 50% učešća u osnovnom kapitalu novoosnovanog privrednog subjekta.

Slijedom iznesenoga pravni oblik koncentracije predstavlja zajedničko ulaganje na dugoročnoj osnovi, dva ili više nezavisnih privrednih subjekata, koji djeluje kao nezavisan privredni subjekt, u smislu člana 12. stav (1) tačka c) Zakona.

#### 4. Obaveza prijave koncentracije

U skladu sa članom 14. stav (1) Zakona, obaveza prijave koncentracije postoji kada učesnici koncentracije prodajom roba i/ili usluga ostvare na svjetskom tržištu 100 miliona KM po završnom računu u godini koja je prethodila koncentraciji, kada ukupni godišnji prihodi svakog od najmanje dva privredna subjekta učesnika koncentracije ostvareni prodajom roba i/ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Prema podacima iz Prijave, ukupni godišnji prihodi privrednih subjekata učesnika koncentracije (i njihovih povezanih privrednih subjekata), na dan 31. decembar 2014. godine, kao godini koja prethodi koncentraciji, iznosi:

Tabela 1.

	<b>VITINKA</b>	<b>BANJALUČKA PIVARA</b>
	<b>KM</b>	<b>KM</b>
Svijet	(..)**	(..)**
BiH	(..)**	(..)**

*Izvor: Podaci iz Prijave namjere koncentracije*

Godišnji prihodi učesnika koncentracije (Tabela 1.) predstavljaju ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

Slijedom navedenog učesnici koncentracije (privredni subjekti VITINKA i BANJALUČKA PIVARA) ispunjavaju uslov ukupnog godišnjeg prihoda, iz člana 14. stav (1) tačka b) Zakona, te su obavezni podnijeti prijavu koncentracije.

Prema navedenim podacima (Tabela 1.) privredni subjekti učesnici koncentracije ispunjavaju uslove ukupnog godišnjeg prihoda, iz člana 14. stav (1) Zakona.

## 5. Relevantno tržište

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Relevantno tržište za predmetnu koncentraciju Podnosioci prijave su odredili prema osnovnoj djelatnosti i geografskom području na kojem će se obavljati djelatnost novoosnovanog društva. Shodno tome kao relevantno tržište Podnosioci prijave navode tržište upravljanja ambalažnim otpadom.

Prema Podnosiocima prijave, relevantno geografsko tržište predmetne koncentracije je tržište Bosne i Hercegovine, na kojem djeluju učesnici koncentracije bilo direktno kao prodavci bilo indirektno preko svojih zavisnih društava, iako će novoosnovano društvo poslovati samo na teritoriji Republike Srpske.

Slijedom navedenog, pod relevantnim tržištem koncentracije smatrat će se tržište upravljanja ambalažnim otpadom na teritoriji Bosne i Hercegovine.

## 6. Analiza relevantnog tržišta koncentracije

Konkurencijsko vijeće je relevantnim tržištima predmetne koncentracije odredilo tržište upravljanja ambalažnim otpadom na teritoriji Bosne i Hercegovine.

Prema podacima Podnosioca prijave, (..)\*\*...

Prema podacima sa kojima raspolažu Podnosioci prijave, izvršena je procjena tržišnih udjela učesnika koncentracije i njihovih glavnih konkurenata (proizvođači voda, alkoholnih i bezalkoholnih pića) na relevantnom tržištu upravljanja ambalažnim otpadom na teritoriji Bosne i Hercegovine u 2014. godini:

Tabela 2.

R.br.	Naziv privrednog subjekta	RS		FBiH		BiH	
		Količina (t)	% (t)	Količina (t)	% (t)	Količina (t)	% (t)
1	(..)**	(..)**	(..)**	(..)**	(..)**	(..)**	(..)**
2	(..)**	(..)**	(..)**	(..)**	(..)**	(..)**	(..)**
3	(..)**	(..)**	(..)**	(..)**	(..)**	(..)**	(..)**
4	(..)**	(..)**	(..)**	(..)**	(..)**	(..)**	(..)**
5	(..)**	(..)**	(..)**	(..)**	(..)**	(..)**	(..)**
6	(..)**	(..)**	(..)**	(..)**	(..)**	(..)**	(..)**

7	(..)**	(..)**	(..)**	(..)**	(..)**	(..)**	(..)**
8	(..)**	(..)**	(..)**	(..)**	(..)**	(..)**	(..)**
9	(..)**	(..)**	(..)**	(..)**	(..)**	(..)**	(..)**
10	(..)**	(..)**	(..)**	(..)**	(..)**	(..)**	(..)**
	Ukupno (1+2)	(..)**	(..)**	(..)**	(..)**	(..)**	(..)**
	Ukupno	(..)**	(..)**	(..)**	(..)**	(..)**	(..)**

Izvor: Podaci iz Prijave

(..)\*\*..

## 7. Ocjena koncentracije

Konkurencijsko vijeće je nakon procjene i analize podataka i činjenica u postupku donošenja predmetnog Rješenja, u smislu člana 17. Zakona, utvrdilo da se radi o koncentraciji privrednih subjekata koja neće dovesti do ograničavanja ili narušavanja tržišne konkurencije.

Konkurencijsko vijeće je prilikom donošenja Rješenja uzelo u obzir da su Podnosioci prijave, u skladu sa članom 9. pod s) Odluke, u Prijavi naveli prednosti koje će proizaći iz provođenja predmetne koncentracije a odnose se na:

- očuvanje prirodnih resursa,
- zaštita životne sredine i zdravlja ljudi,
- razvoj savremenih tehnologija proizvodnje ambalaže,
- uspostavljanje optimalnog sistema upravljanja ambalažom i ambalažnim otpadom,
- funkcionisanje tržišta ambalaže i proizvoda u ambalaži na teritoriji RS-a,
- prevencija stvaranja trgovinskih prepreka,
- prevencija stvaranja diskriminacije po vrsti ili po sadržaju ambalaže.

Također, predmetna koncentracija će imati pozitivne efekte za krajnje potrošače, i da upravljanje ambalažnim otpadom od drugih privrednih subjekata doprinosi: - specijalizovanom i kvalitetnijem upravljanju otpadom, pa tako i zaštiti okoliša; - ekonomičnijem poslovanju samih proizvođača ambalažnog otpada, koji ovu aktivnost mogu povjeriti operateru, a oni se posvetiti razvoju kvaliteta svojih proizvoda; - nižim cijenama za krajnje potrošače, jer proizvođači ambalažnog otpada, ukoliko istim upravljaju putem operatera, sami dobijaju ovu uslugu po najnižoj mogućoj cijeni, što doprinosi nižim proizvodnim troškovima, pa tako i najpovoljnijim cijenama po potrošače;

Slijedom navedenog, Konkurencijsko vijeće je ocijenilo predmetnu koncentraciju dopuštenom u smislu člana 18. stav (2) Zakona, i odlučilo kao u dispozitivu ovog Rješenja.

## 8. Administrativna taksa

Podnosilac prijave je na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11) dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

## **9. Pouka o pravnom lijeku**

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

**Predsjednica**

**Maida Čampara**

Dostaviti:

- Podnosiocu prijave
- U spis
- a/a